

Atuisartoqarnermut Unammilleqatigiinnermullu

Aqutsisoqarfik allaffimmiussarsiorpoq

Atuisartoqarnermut Unammilleqatigiinnermullu Aqutsisoqarfiup allattoqarfia allaffimmiussarsiorpoq.

Aqutsisoqarfimmi anginngitsumi, assigiinngitsorpassuarnik suliassaqaqarfiusumi, suleqataassaait, inatsisilerituut, aqutsisut aamma sulisut allat ulluinnarni sulineranni tapersersorlugit.

Suliassatit

Suliassat ilaatigut makkuussapput: Public360-imi sulianik pilersitsineq journaliseeriinerlu, ataatsimoorussamik e-mailmik telefonikkullu saaffiginnissutininik suliqaarneq, suliarni paasissutissanik pissarsiniarneq aaqqissuussinerlu, aalajangiussanik piareersarneq nassiussinerlu, sullissisunik ataatsimiititalianillu allaffissornikkut tapersersuineq, allaffissornikkut ingerlatsinikkullu suliassat annikinnerusut, pisiniarneq, nutserinernik annikinnerusunik suliqaarneq kiisalu allattoqarfimmi pisariaqartitsineq naapertorlugu suliassat allat.

Sulisussamut eqqortumut ineriartornissamut periarfissaqassaaq, piffissallu ingerlanerani nammineerluni sullissinermik suliqaartalernissamut periarfissaqarsinnaalluni.

Naatsorsuutigaaqput illit

- allaffissornikkut naleqquttumik tunuliaqutaqartutit imaluunniit misilittagaqartutit
- aaqqissuussaasumik namminersorlutillu sulisinnaasutit
- suliassanik arlalinnik ataatsikkut aqutsisinnaasutit
- sullissiumatussuseqartutit suleqateqarsinnaallutillu
- IT-mut piginnaaneqarfignittutit aammalu systeminik nutaanik sukkasuumik ilikkarsinnaasutit

Kalaallisut qallunaatullu attaveqarsinnaanissat piumasaqaataavoq. Public360-imik ilisimasaqarneq iluaqutaassaaq, piumasaqaataanani.

Paasissutissat allat:

Atorfik pillugu annertunerusumik paasisaqarusukkuit, Aqutsisoqarfimmi Pisortaq Kristina Nordby oqarasuaatikkut +299 539452 imaluunniit e-mailikkut krno@nanoq.gl attavigisinnaavat.

Qinnuteqaat:

Qinnuteqarnissamik piffissarititaq: 13. septembari 2026 nal. 12:00.

Oqaloqatigiinnerit ingerlaavartumik ingerlanneqarumaarput, piaarnerpaamillu atorfinitsitsisoqassalluni.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaataitalinnik piginnaasalik immikkut siunnersortitut, siunnersortit pisortaatus siunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq

Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Atuisartoqarnermut Unammilleqatigiinnermullu Aqutsisoqarfik pillugu annertunerusumik uani paasisaqarsinnaavutit: www.aua.gl](<http://www.aua.gl>